

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na preporuku Komisije za provođenje postupka javne nabavke broj: 09-14-15756-12/17 od 21.12.2017.godine, u ponovnom konkurentskom postupku za dostavu ponuda za izgradnju i rekonstrukciju mjesnog vodovoda Vitlaci, općina Žepče, Ministarstvo za rad, socijalnu politiku i izbjeglice Zeničko-dobojskog kantona, donosi

ODLUKU o izboru najpovoljnijeg ponuđača

Član 1.

Ugovor o izvođenju radova na izgradnji i rekonstrukciji mjesnog vodovoda Vitlaci, općina Žepče, dodjeljuje se ponuđaču „TABAKplast“ d.o.o. Tomislavgrad, za ponuđenu cijenu od 31.972,48 KM, sa PDV-om, kao najbolje ocijenjenom ponuđaču.

Član 2.

Prijedlog ugovora o izvođenju radova dostavit će se na potpis izabranom ponuđaču „TABAKplast“ d.o.o. Tomislavgrad, po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude, u skladu sa članom 72. stav 1. Zakona o javnim nabavkama.

Član 3.

Ova odluka objavit će se na web-stranici Zeničko-dobojskog kantona – www.zdk.ba, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke po ponovnom konkurentskom zahtjevu, broj: 09-14-15756-8/17 od 13.12.2017. godine.

Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a: 28.801,00 KM.

Obavijest o nabavci broj: 1312-7-3-2-3-2-/17 objavljena je 13.12.2017. godine na portalu javnih nabavki.

Komisija za provođenje postupka javne nabavke imenovana je Odlukom ministra za rad, socijalnu politiku i izbjeglice Zeničko-dobojskog kantona broj: 09-14-15756-2/17 od 22.11.2017. godine.

Komisija za provođenje postupka javne nabavke sačinila je dana 21.12.2017. godine zapisnik o pregledu i ocjeni ponuda broj: 09-14-15756-12/17 od 21.12.2017. godine sa preporukom ugovornom organu za zaključenje ugovora o izvođenju radova na izgradnji i rekonstrukciji mjesnog vodovoda Vitlaci, općina Žepče, sa ponuđačem „TABAKplast“ d.o.o. Tomislavgrad čija je ponuda ocijenjena kao prihvatljiva u predmetnom postupku javne nabavke.

U izvještaju o radu Komisije za izbor najpovoljnijeg ponuđača utvrđeno je da je ista blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - dvije (2);
- da su blagovremeno zaprimljene - dvije (2);
- da su neblagovremeno zaprimljene - nula (0);
- da je prihvatljivih ponuda – jedna (1).

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijima iz tenderske dokumentacije.

Ocjenom provedenog postupka, nisu evidentirane nepravilnosti niti propusti u radu, koji bi eventualno bili osnov za neprihvatanje preporuke Komisije za izbor najpovoljnijeg ponuđača.

Naime, ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama („Službeni glasnik BiH“, broj 39/14), podzakonskim aktima, internim aktima i predmetnim konkurentskim pozivom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Rang ponuđača	Naziv ponuđača	Cijena sa PDV-om u KM
1.	„TABAKplast” d.o.o. Tomislavgrad	31.972,48

Iz navedenih razloga, primjenom člana 64. stav 1. tačka b) Zakona o javnim nabavkama („Službeni glasnik BiH“, broj 39/14), odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi BiH putem ugovornog organa-Ministarstvo za rad, socijalnu politiku i izbjeglice Zeničko-dobojskog kantona, ulica Kučukovići broj 2, Zenica, u roku od 5 (pet) dana od dana prijema ove odluke. Žalba se podnosi u najmanje tri primjerka.

Zenica, 22.12.2017. godine

Broj: 09-14-15756-13/17

Dostavljeno:
2x ponuđači;
1x a/a



MINISTAR

Murdehan Šahinović